



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Martini Martinii Tridentini E Societate Jesu Sinicae
Historiae Decas Prima**

Martini, Martino

Monachii, 1658

Decimusnonus Imperator Siaoyeus. Imperavit annis XVIII.

urn:nbn:de:hbz:466:1-11848

igitur ad MAO denuo reducta, cives, quò proniùs hanc mutationem acciperent, tum scripto, tum corām horrabatur. Deinde imperatorm familiam antiquato XANGÆ nomine YNIAM indigetavit, à provinciā, è quā prodierat ad fastigium. Præterea totus in eo fuit, ut optimos quoque amplissimis officijs quā domi, quā foris excolet. Seditiosis nusquam locus erat. Denique huc maximè incubuit, ut gubernandi ratio, quā usus erat TANGUS, ejusque mores imitatione reviviscerent. His conatibus prolixè fortuna favit. Nam & ad pristinum statum familia, & reguli beneficiarij dynastæque omnes ad obsequium atque comitia publica rediere; non aliā re magis eos quām virtute Imperatoris invitante. Salutare decretum, quo cavebat in posterum, ut Imperatorum filij succederent, discordijs tandem finiendis, è quibus tot exstiterant mala, successu caruit. Cū enim ipse nullum suscepisset heredem, imperium fratri morte cessit.

DECIMUS OCTAVUS IMPERATOR SIAOSINIUS.

Imperavit annis XXI.

Cyclo 23. anno
52 ante Christum
Anno 1373. **S**iaosinius PUONKENG I frater nullā re par illi vel conferendus, per socordiam rursus imperij statum jam meliorem tantum non pessum dedit. Mollis & voluptarius, quo loco esset respublica, quidque à Præfectis ageretur, adeò pensi nihil habuit, ut ne audire quidem vellet; unis voluptatibus obediens. Quibus ne à quoquam intercederetur, summam rerum assentatoribus crediderat.

DECIMUS NONUS IMPERATOR SIAOYEUS, Imperavit annis XVII.

Cyclo 23. anno
26. ante Christum
Anno 1352. **H**unc SIAOSINIUS pater imperium unā cum luxu, socordiā atque desidiā quasi per manus tradidit. Liberali quidem præceptorum

ceptorum disciplinā educatus est à puerō; sed ut primum ab ijs liber & sui juris, rei Sinicæ arbitrium obtinuit; salutaria monita oblitus, & tanquam laxatis libertatis habenis, vestigia patris ingressus purpura-tis insuper assentando virtutis nondum adulter nervos elidentibus, li-bidine, inertia, levitate insignis fuit. Usque adeò in malum proni sumus, metu soluti; maximè si mali iandatores accesserint. Hujus memoriam illustravit utrumque filius imperij ab eo relictus heres; quo fortasse meliorem admirabiliorēmve Sinæ non habuere. Id adeò nunc videamus.

VIGESIMUS IMPERATOR UUTINGU.S.

Imperavit annis LIX.

Adolescens patrem morte amisit; quam insolitā tristitiā ac dolo-re luxit, nullum signum grata voluntatis in eum omittens. Pie-tas enim, ut suprà ostendimus, præcipue adversus parentes mor-tuos Sinis semper sanctissima fuit. UUTINGU.S ergo, ut palam face-ret omnibus, quā esset erga demortuum parentem observantiā, Can-puono, Colao suo seu adjutori tradidit imperium. Ipse prope se-pulchrum paternum exstructā ædicolā toto triennio delitescens, non inerti tamen otio interim marcebat; sed quæ optima gubernandi ra-tio, quæ virtutes ad eam maximè necessaria, secretā estimatione pen-sabat. Silentio, quod mirere, tam severè addictus, ut ne verbum qui-dem eo tempore cum quoquam loqueretur. Omnis ei sermo cum Cælo solo fuit, præter virtutem ab eo nihil opranti. Sed nec soluto luctū obsequio in palatium reversus loquebatur. Cujus silentij perti-naciam demirati ordines atque magistratus demique alloquendum censuere. Adeunt igitur ad illum unā omnes; è quibus unus omnium loco hac oratione usus, Sapientes, inquit, & altà quadam mente pradi-tos, virtute velut humana vita regula cumprimita decet, alijs rectâ vivendi speciem esse. Quod è magio, Imperator, tibi faciendum, quò aetiore folio emines, virtute a sapientiâ singulari, & à Cælo datâ conspicuus, optimo publico, summâ tui nominis commendatione. Sed hanc laudem factis

Cyclo 23. anno
54. ante Chris-tum 1314.

Pietas in de-functum pa-trem.

Regis diutu-num silentiū.